


344 E. 10. 4 179

DECRETA
DIOECESANAE
FLORENTINAE
SYNODI.

Celebrata ab Illustriss. ac Reuerendiss. D. D.
Alexandro Medice S. R. E. Cardinali &
Archiepiscopo Florentino.

III. Id. Iulii M D L X X X I X.



FLORENTINAE
Apud Bartholomæum Sermartellium.

MDLXXXIX.

DECRETA
DIOECESANAE
FLORENTINAE
SYNODI.

Collegata ab illustris ac Reverendissimo D. D.
Alexandro Medice 2. M. E. Cardinali &
Archiepiscopo Florentino.

III. Idibus Martii 1621.



FLORENTINAE
Archiepiscopus & Cardinalis
Medice.

ALEXANDER MEDICES

MISERATIONE DIVINA

tituli sanctorum Quirici & Iulittæ S. R. E.

Presbiter Cardinalis & Archiepiscopus Florentinus.

Venerabilibus & Charissimis Canonicis Metropolitanæ
Ecclesiæ, nec non aliis Sacerdotibus huius
nostræ Diocesis Salutem.



*N*ea cura, & solitudine, quam Pa-
storali nostro muneri debemus, illud
in primis duximus nobis esse cogi-
tandum, & laborandum (ut vos
Consacerdotes, & Cooperatores no-
stri sicut habetis nobiscum coniun-
ctum onus, ita prorsus animo, &
voluntate effectis coniuncti, ad ea
omnia emendanda, & dirigenda,

que pro omnium commissoriorum salute, & necessaria, & accom-
modata esse viderentur. In quo negotio, conscii sumus, nihil
à nobis esse prætermisissim, quod posset hoc consilium, & amo-
rem, & charitatem nostram vobis declarare. Hinc illi quoti-
diani familiares congressus, & assidua ferè tractatio, de rebus
ad officium nostrum pertinentibus. Hinc illa Visitationes, sine
incommodo, & impensa ecclesiarum, etiam per Delegatos, fa-
cte, quando, & temporum, & locorum, & negotiorum ratio
non patiebatur, hoc opus à nobis personaliter perfici posse. Ex

† 2 quibus

quibus exercitationibus illud, Domino adiuuante, est consequitum; ut magna cum voluptate, iam cerneremus, vos, & animatos, & intentos esse ad exequenda Decreta sacrosancti Con- Tridentini, & Provincialis, & Aedita, quæ à nobis (rarò ta- men) sunt emanata. Et in hoc rerum statu; visum fuit oportu- num, Diocesanam Synodum conuocare; In qua, pauca hæc statuta, & decreta, ita fuerunt à vobis accepta, & recepta, ut facillè intelligeretis, veluti adiumenta quedam esse excogitata, ad eam animi propensionem, & deliberationem, quam hæctenus ad Dei laudem, & honorem, in actionibus, & administrationi- bus vestris ostendistis; Cum certum sit, quòd etiam currenti- bus, & stimulus, & concitatio non inutiliter adhiberi solent. Reliquum est, ut postquam in simplicitate sermonis, toto cordis affectu, in ipsa Synodo, vos cohortati sumus, ad agnoscendam vocationem vestram, hoc quoque loco à vobis enixè petamus, ut tanquam verborum nostrarum summam, semper, & memoria, & cogitatione retineatis. Quàm sublimis sit ordo, & Dignitas Sacerdotalis; Quàm tremendum, & admirabile sit ministe- rium, quod tractatis: Et ad quem finem sensus, sermones, & actus vestri sint dirigendi; Idque præcipue: cum omni humili- tate præ oculis habeatis, quàm certissimum periculū imminet regrediendi, illis, qui in via Dei non progrediuntur; Ita enim fiet, ut concupiscentes dilecta tabernacula Domini, disponatis ascensiones in cordibus vestris, ut cum benedictione legisla- toris, euntes de virtute in virtutem, videatis Deum Deorum in Syon.

DE RESIDENTIA.



QUAMVIS, nulla ferè hoc tempore culpa appareat Pastorum, qui Gregi suo non inuigilent, nequè assistant; tamè cum in re tam graui summa sit perpetuò cura & diligentia adhibenda, Idcirco sacro S. Concilii Tridentini & Prouincialis vestigiis inhærendo districtè præcipitur & mandatur omnibus & singulis Plebanis vt saltem quolibet mēse se informēt, & accuratissime exquirant An illi quibus cura Animarum commissa est, in propriis ecclesiis personaliter resideant, ac per se ipsos vt tenentur muneri suo Pastoralis satisfaciant, & Nomina non Residentium ad Vicariū deferant sub pœna scutorum viginti-quinquè, mandati executiui & excommunicationis in subsidium.

NON possint autem sub eadem pœna Plebani & cæteri Curati à propriis ecclesiis vltra duos dies non festiuos pernoctando discedere, nisi ex causa legitima ab ipsis Plebanis quò ad Curatos, & quò ad Plebanos à viciniore Plebano vel à teste Synodali maturè probanda ac Vicario infra mensem significanda.

BENEFICIA verò quæ ita tenuis sunt redditus, vt vix Rectorem habere possint, ipso facto intelligantur commendata Ecclesiæ curatæ viciniore, donec pro qualitate temporis loci & personarum prouideatur quod magis Dei seruitio & animarum salutis iuxta dictorum Conciliorum Decreta visum fuerit opportunum.

QVIN & illi qui eius generis ecclesias curatas obtinent, aut in futurum ad eas ordinati fuerint iuxta formam Constitutionis S. D. N. Sixti V. nullo modo possint dictas ecclesias quauis causa aut quæsito colore deferere & derelinquere sub pœna excommunicationis ipso facto incurrenda, & habita notitia post quindecim dies immediate sequentes quorū quinq; pro primo &c. à Plebanis in Ecclesia Plebis & in ecclesia cathedrali de mandato Vicarii sic excommunicati debeant publicari.

DE PAROCHIS.

PAROCHI iuxta Decretū sacrosancti Conc. Tridentini debent oues suas agnoscere, pro his sacrificium offerre verbiq; Diuini prædicatione, Sacramentorum administratione, ac bonorum omnium operum exemplo pascere, pauperum ac miserabilium personarum curam paternam gerere.

DE AGNOSCENDIS SVIS OVIBVS.

HABEANT igitur Parochi librum in quo describant suorum Parochianorum nomina, distinguendo singulorum sexum, etatem, statum & conditionem vt quotannis & nascentium & morientium & discedentium notitia verificetur.

DENUNCIENT statim Vicario Concubinos, vsurarios, sortilegos, blasphematores, & omnes alios publicos peccatores, quin etiam huiusmodi peccatorum suspectos teneantur Plebanis notificare ad hoc vt facta diligenti inquisitione ac monitione de comuni

muni consilio nisi se emendauerint Vicario deferantur.

HABEANT praesertim rationem & litium & inimicitiarum quae summa cum diligentia, & charitate ad pacem, & concordiam sunt ab ipsis Parochiis reducende.

DE SACRIFICIORVM

OBLATIONE.

NVLLO modo praetermittant sacrificia offerre pro populis, & Missas dicant eo tempore & modo quo Ecclesiarum obligationibus & suo officio satisficiant, prout de iure tenentur, aut consuetudine laudabili antiqua, quae non minor quadraginta annis sit, expresse declarando quod Parochi qui dominicis & festiuis diebus populares suos Missis defraudant in penam incidant vnus auri pro qualibet vice.

Quae pena extendatur etiam ad sacristas & alios deputatos ecclesiarum quarumcunque ad quos dicendarum Missarum ratio & computum pertinet.

Et vbi pro modo facultatum onera Missarum sup-
portari nequeunt huius Synodi Decreto intimatur quod vocatis vocandis coram Vicario compareant ad hoc vt sacrosancti Conc. Tridentini autoritate statuatur quod magis ad Dei honorem & cultum videbitur expedire.

DE PRAEDICATIONE.

DOCEANT etiam Populum quod sicut Pasto-
ribus est iniunctum omnis praedicandi verbum

Dei, ita consequenter eis oritur audiendi obligatio.
Et quando pueri ad discendum doctrinam christia-
 nam vocantur, parentes & superiores non venien-
 tium postquam fuerint moniti, debent Vicario no-
 tificari, ad hoc vt pro modo culpe & negligentie ab
 eo arguantur, & interim illis parochi Sacramenta
 non ministrent, nisi in casu necessitatis.

DE SACRAMENTORVM

ADMINISTRATIONE.

SA CRAMENTA omnia gratis & ea puritate
 debent à Parochis administrari, vt non tantum si-
 moniæ sed etiam auaritiæ labes & suspitio penitus
 amoueantur, Illudque semper Parochi sibi propo-
 situm habeant quod in Sacramentorum administra-
 tione nulla potest negligentia excusari.

DE BAPTISMO.

FONS Baptismalis sit lapideus mundus nitidus
 pulcher, & vndiq; bene clausus.

SA CRARIVM coniunctum habeat in quod vel in ali-
 quod vasculum Aqua quæ super Baptizati caput in-
 funditur, influat, & quo ad fieri potest in eundem
 Baptismi fontem non reincidat.

IN FANTES statim vel saltem infra biduum bapti-
 zentur in ecclesia Baptismali, & non alibi, neque ex-
 tra Diocesim, sine aliqua legitima causa, neque in
 domibus nisi necessitate urgente, quo casu cum Ba-
 ptizati ad ecclesiam pro sacramentalibus & cæremoni-
 nis adimplendis deferentur, adsit etiam qui domi
 bapti-

baptizauit ad hoc vt baptizans cognoscere possit
An forma ritè prolata fuerit, vel sub conditione sit
baptizandus; aliàs parentes infantis pœna arbitrio
Illustrissimi Domini puniantur.

INFANTES expositi nisi aliquo aliter cõstet q̃ sunt ri-
tè baptizati, sub conditione baptizentur.

OBSTETRICES autem quæ vt plurimum in casu ne-
cessitatis baptizare solent, accurate examinentur à
Parochis, & doceantur de forma, neque hanc artem
exercere possint nisi fuerint à Parochis approbatæ
cum licentia in scriptis quæ gratis detur.

LEVATURI etiam de sacro fonte reiciantur non so-
lum qui in sancto illius anni paschate confessionem
& communionem omiserint, sed etiam qui oratio-
nem dominicam, symbolum & præcepta Decalogi
ignorant.

ITEM pueri minores quatuordecim annis, Religiosi,
meretrices, criminosi, infames, & aliàs publici
peccatores.

SED neque Parochi aut curati neminem suæ paro-
chiæ leuare possint.

NON solum in ecclesiis Baptismalibus sed etiam in
omnibus aliis curatis retineatur liber, in quò descri-
bantur Nomina Baptizatorum atq; leuantium cum
die mense & anno & natiuitatis & baptismi, & ad
hunc effectum recurrere poterunt curati ad librum
ecclesiæ baptismalis, quando aliàs a parentibus bap-
tizatorum non fuerit curatis notificatum, quòd ab ip-
sis fieri debere sepe populares suos doceant & ad-
moncant sub pœna arbitrii Illustrissimi.

DILIGENTER etiam inquirent Parochi An Infan-
tes infra annum teneantur in lecto contra prohibi-
tionem

tionem, quę fieri debet sub p̄na excommunicatio-
nis, & inobedientes ingressu ecclesię prohibeantur
donec aut capsula aut alio modo & inobedientię &
vitę periculi occasione fugiant.

DE CONFIRMATIONE.

SIGNIFICETVR à Parochis tempus Confir-
mationis & ab eis instruantur omnes qui Sacramen-
tum Confirmationis recipere volunt, quod non nisi
post septennium & annos discretiōis cōferendum
sit: Et quando ieiuni ob iustam causam accedere non
possunt saltem peccata sua confiteantur, Eōrum no-
mina à Parochis describantur in libro ad hoc specia-
liter destinato, & ab eis tantum fascia dissoluatur et

DE EVCHARISTIAE SACRAMENTO.

TABERNACVLVM in quo tantum asseruat-
ur debet sanctissimum Eucharistię Sacramentum
sit omnino diligentissime compactum, & à parte in-
teriori sit panno serico decēter coopertum, & cor-
porali substratum, & in pixide argentea optime de-
aurata qua ad communicandum & nullo modo pate-
na quilibet curatus vtatur, & qualibet hebdomada
particulę renouentur.

VASCVLM vero in quo ad infirmos deferitur simili
modo sit argenteum & deauratum secundum facul-
tates, & decenti velo semper coopertum, & eo mo-
do in deferendo accommodetur vt neq; ventorum
neque pluuię periculum habeat; & irreuerentia eui-
detur.

IN CIVITATE Florentiæ & in oppidis & villis vbi com-
mode fieri possit sanctissimi Sacramenti tot particu-
læ ad infirmos deferantur vt semper redeundo ad
Ecclesiam cum omni deuotione & solennitate ali-
qua particula reportetur, & psalmi deuote tam in-
eundo quàm redeundo recitentur etiam ab his qui
comitantur vel associant Sacramentum, qui quidem
quolibet mense siue in confraternitatibus siue in cõ-
gregatione populi eligantur, & postquam reuerfi
fuerint cum sanctissimo Sacramento benedicantur,
& publicentur indulgentiæ,

MONEANT Parochi populum vt imitando pietatem
& deuotionem summorum Principum quando san-
ctissimum Sacramentum occurrit debent omnes sal-
tem vsque ad domum infirmi associare,

IN domo autem infirmi sit parata mensa in qua sanctis-
simum Eucharistiæ Sacramentum deponatur cum
corporale & patena quousque compleantur ea quæ
ad præparationem infirmi pertinent, & lectum sit
pro qualitate personarum cum omni munditia ador-
natum.

IN purificatione laici non vtantur calice sed aliquo
alio vase vitreo vel argenteo formam calicis non ha-
bente.

ABSENTES etiam in sancto tempore Paschatis cum
redierint debent legitime fidem facere de commu-
nionem, vel in propria parochia. Canonis omnis vtri-
usque sexus. Satisfacere, aliàs deferantur eorum no-
mina ad hoc vt contra eos iuxta Concilii prouincia-
lis decretum procedi possit.

DE PŒNITENTIA.

PAROCHI quolibet Anno saltem in principio Quadragesimę declarent & exponant etiam vernacula lingua vbi opus erit canonem omnis vtriusque sexus, ad hoc vt intelligant populi quàm grauer corripi debent ii qui frequenter peccata sua non confitentur.

NEGLIGENTES vero & qui vsque ad hebdomadam sanctam confiteri distulerint specialiter annotentur, & salutaris pœnitētia eis iniungatur, cum manifestē demonstrent quòd non virtutis amore & charitate, sed quasi formidine pœnę ad tam necessarium & salutare opus inducantur. Et qui semel tantum in anno confitentur non statim ad communionem admittantur. Sed per id temporis spaciū probentur quo Parochum intelligere valeat eos conuersionis & nouitatis vitę propositum habere.

NON audiant Parochi confessiones eorum qui non sunt ex diœcesi.

ADMONEANT etiam quòd infirmi debent quanto citius confiteri, & confessor qui non sit proprius Parochus teneatur statim notificare Parocho infirmitatem, ad hoc vt possit ipse suo officio circa infirmitatem cum omni charitate satisfacere.

IN confessionibus requirat pœnitentes An sint confirmati, & qui nō curauerint à Parocho describi iniuncta eis ac etiam parentibus pœnitentia describantur.

PUBLICA peccantes publice pœniteant, prout magis ad ædificationem populi pertinere Illustrissimus Dominus iudicauerit.

CONFESSARIJ aduertant ne confessio cum aliquo alio confessario incæpta dimidietur.

PAROCI in audiendis confessionibus Cotta & Stola vtantur, & in omnibus confessionalibus affigatur Bulla cenæ Domini, & Casus Reseruati, & forma absolutionis.

PAROCI rurales non audiant confessiones in ciuitate nisi sint ab Illustrissimo Domino generaliter approbati.

ET Vrbanj non possint audire confessiones in ecclesia cathedrali, nisi de licentia superioris.

MISSARVM eleemosinæ distributiones siue restitutiones per confessarios à pœnitentibus non recipiantur, sed aliis committi curent.

CONFESSOR qui non approbatus audire confessiones ausus fuerit ipso facto sit excommunicatus cum nullo modo ea quæ pro animarum salute exerceri debent sint in perniciem conuertenda.

DE EXTREMA VNCTIONE.

VALDE etiam curandum est ne sine extrema vñctione decedat aliquis infirmus qui in periculo mortis constitutus fuerit. Nequæ etiam est sauciatis deneganda modo signum contritionis ostendat vel petant, vel verisimile sit quod petissent si possent, atquæ illud semper meminerint quod potest quis facile ex collatione huius Sacramenti ad vitam æternam conuolare.

PAROCIVS cum ad conferendum Sacramentum extreme Vñctionis procedit, superpelliceo & stola indutus Ministro cum cruce sine hasta præcedente aliquem

B. quem

quem de septem psalmis recitando incedat.

ADMONENT circumstantes orare pro infirmo.

ET notentur in libro ad hoc specialiter destinato nomina Parochorum quibus distribuuntur singulis annis olea sacra, quæ non deferantur nisi per in sacris ordinibus constitutos.

DE MATRIMONIO.

MATRIMONIA extra Ciuitatem secundum formam sacrosancti Concil. Tridentini cum benedictione anuli & aliis sacerdotalibus ceremoniis pro decentia in ecclesia parochiali sponsæ, & nullo modo in priuatis Domibus nisi de licentia Vicarii celebrentur.

DENUNCIATIONES fiant post contracta sponsalia, & de commissione vel ipsorum sponzorum vel eorum parentum & superiorum, vt poenitus constare possit de libera contrahentium voluntate, Et in libro annotentur acta eo ordine quo gesta sunt, tam circa sponsalia quàm circa denunciationes.

NON admittantur ad contrahendum nisi eo anno confessi & communicati, & qui sciant Rudimenta necessaria videlicet Orationem Dominicam, Salutationem Angelicam, Simbolum & præcepta Decalogi.

ET quo ad benedictionem nuptiarum si alter sponsorum semel receperit benedictionem, alter tantum benedicatur secundum consuetudinem loci.

DVM denunciationes fiunt & ante benedictionem sponsi ita sint separati vt nullo modo cohabitent, nec conuersationem habeant adinuicem sub pena arbitrii pro qualitate personarum.

nimiam familiaritatem solent facile suspensionem & irreuerentiam causare, idcirco non frequentent sine causa domos parochianorum, neque cum illis de rebus secularibus vane tractent aut colloquantur. Non ludant pila aut alio ludo etiam licito publice, cum in eo grauitas aut sacerdotalis modestia vix retineri possit.

DE CVRA MISERABILIVM PERSONARVM.

TANDEM tanquam in summa omnium bonorum operum se exerceant Parochi in eleemosinarum pro modo facultatum largitione, & ita miserabilium personarum paternam curam gerant, ne Puellæ ob paupertatem pudicitie periculum incurrant, nequè illi qui propriis laboribus possunt sibi victum parare ob ignauiam ad mendicitatem confugiant, sed infirmos & in carceribus detentos non solum visitare, verum etiam quocunque modo possint pro necessitatibus studeant subleuare.

DE CONGREGATIONIBVS A PAROCHIS quolibet Mense faciendis.

QVAE omnia facilius exequi poterunt si quolibet mense omnes Parochi cum decenti habitu & de rebus ad eorum officium pertinentibus mature collatio fiat & consultatio, & praesertim de casibus conscientiae, in qua congregatione Diuina officia cum omni reuerentia celebrentur, & in mensa cum benedictione & gratiarum actione vno tantum serculo sint contenti, adeò vt populus in festis exemplum

plum simplicitatis & parsimonie seruare valeat, Et in omnibus festis post vespervas ad proprias Ecclesias reuertantur, nequè vllò modo spectatores sint aut ludorum aut chorearum sub pœna scutorum decem.

D E E C C L E S I I S.

ECCLESIA etiam ruralis sit pauimento strata, & tam quò ad ostia quàm quò ad fenestras ita clausa & bene tecta, quòd bestiis auibus atque imbribus non pateat, munda ornata dealbata & quo ad melius fieri possit altaribus & paramentis decentibus saltem necessariis sit munita.

CAVEAT Rector ne ipse nec quiuis alius Ecclesia tanquàm horreo pro cuiuscunque generis rebus conseruandis vel reponendis vllò modo vtatur sub pœna scutorum xxv. pro qualibet vice.

RECTOR nullo vnquam tempore in ecclesia in qua præsertim sanctissimum Eucharistię sacramentum seruatur deambulari, altaribus ac fonte baptismatis inhærerè, neque in ea pernoctare permittat.

IPSEQVÆ ecclesiæ non ornentur cum imaginibus laicorum,

GRAMMATICÆ humanarumque literarum rudimenta tanquàm in ludo literario in ecclesiis sine Vicarii licentia non doceantur.

PAROCHI moneant & sepiissime inculcent vt populus in ecclesia tempore suo stet sedeat & genuflectat ea modestia & deuotione qua decet, & qui contumaciter postquam in factò charitatiue correpti fuerint noluerint obedire ad Vicarium deferantur.

SYMPLECTILIA ecclesię & aliæ quæcunque ad Diuinum

uinum cultum destinata in prophanos vsus conuertere aut commodare tam clericis quam secularibus sit prorsus omnibus interdictum.

PRAETEREA districte precipiendo mandamus vt non solum qui beneficia consequuntur iuxta prouisionem Concilii Prouincialis & Bullam S.D.N. Sixti V. sed etiam Capitula Collegiatarum, nec non & Gubernatores quarumcunque ecclesiarum tam cum cura quam sine cura, Cappellaniarum hospitalium oratoriorum, & aliorum piorum locorum quorumcunque conficiant inuentaria omnium rerum & honorum ad ecclesias & ad alia supradicta loca quomodolibet pertinentium, exprimendo qualitates, & quantitates atque confines eorum cum assistentia Rectoris vel Massarii & vnus ex senioribus populi, qui propria manu subscribant, praeter subscriptionem Gubernatorum & Rectorum supranominatorum, quae inuentaria ad curiam Archiepiscopalem infra terminum quatuor mensium à die publicationis Synodi praesentari debeant in manibus infra scripti Cancellarii sub pena xxv. scutorum applicandorum locis pijs arbitrio Illustrissimi D. Cardinalis.

DE PARAMENTIS.

PARAMENTA benedicta ita sint omnia munda vt intelligat populus quod tanquam ad Diuinum cultum destinata & reuerentiam & deuotionem erga ea habere debet.

CALORES secundum tempora quantum fieri potest in eis seruentur iuxta Missalis Rom. rubricas, neque ob paupertatem quis excusari possit, cum simpliciora & viliora non reiciantur.

Et vt facilius munditia seruari possit Sacerdotes in sacrificiis vino albo vt curent.

DE DIVINIS OFFICIIS.

CLERICI pensum diuini officii persoluendo cum Deo colloquuntur & ideo omni attentione vt debent, præsertim in choro in quo exactè seruetur omnia quæ ex antiqua ecclesiarum consuetudine & Concilii Prouincialis constitutionibus sancitum est, & secundum Bullas summorum Pontificum quæ hoc loco summarie annotatæ sunt.

CELEBRETVR festum duplex S. Annæ matris Gloriosæ Virginis Mariæ die 26. mens. Iulii ex Bulla S. D. N. Gregorii xiii. sub dat. Romæ Kalen. Maii 1584.

FESTVM duplex Præsentationis Beatæ Mariæ Virginis Die 25. mensis Nouembris ex Bulla Santissimi D. N. Sixti V. publicata de Anno 1585. In quo fit officium sicut in die Natiuitatis eiusd. mutato nomen Natiuitatis in Præsentationem.

FESTVM duplex s. Nicolai de Tolentino ordinis eremitarum s. Augustini die x. Septembris, ex Bulla S. D. N. Sixti V. sub dat. Romæ Klen. Ianuarii 1585.

FESTVM simplex sanctorum martirum Ianuarii Episcopi & sociorum eius die 19. Septembris, ex Bulla eiusdem S. D. N. Sixti V. sub dat. Romæ Klen. Februarii 1585.

FESTVM duplex s. Antonii de Padua ordinis min. die 13. Iunii, ex Bulla eiusdem S. D. N. Sixti V. sub Dat. Romæ 19. Klen. Februarii 1588.

FESTVM duplex s. Francisci de Pauli ordinis minorum fundatoris die 2. Aprilis ex Bulla eiusdem S. D.

S. D. N. Sixti V. sub Dat. Romæ Klen. Octobris 1585.

FESTVM duplex s. Petri martiris ordinis prædicatorum die 29. Aprilis ex Bulla eiusdem S. D. N. Sixti V. sub Dat. Romæ idibus Aprilis 1586.

FESTVM duplex s. Bonaventuræ seraphici Doctoris die 14. Iulii ex Bulla eiusdem S. D. N. Sixti V. sub Dat. Romæ pridie idus Martii 1587.

FESTVM simplex sanctorum Placidi & sociorum martirum die V. Octobris, ex Bulla eiusdem S. D. N. Sixti V. sub Dat. Romæ idibus Nouembris. 1588.

SERVENTVR in omnibus Rubricæ Breuiarii & quotannis conficiatur tabula officii pro diœcesi Florentina, ab iis qui fuerint à Vicario deputati, & postea à Vicario approbata, quam tabulam sequi teneantur omnes Diœcesis Clerici ad dicendum officium Romanum obligati.

IN nocte sancta Natalis Domini, matutinum ea hora finiatur vt prima Missa debito tempore post mediam noctem celebretur.

VERSICVLI psalmorum & alia quæ per organum cantari solent eodem tempore repêtantur in choro submissa voce, & totum symbolum Apostolorum etiam in ecclesia metropolitana semper voce & nullo modo organo cantetur.

CANTORES Cappellæ & alii dum canunt in cappellâ superpelliceo & habitu presbiterali vtantur.

VESPERA autem festis diebus in Ecclesiis ruralibus vbi cantari non possunt ob defectum ministrorum saltem intelligibili voce deuote recitentur, & ita fideles ad retinendum & augendum cultum Diuinum excitentur.

DE CVLTV ET OBSERVATIONE.

FESTORVM.

PARROCHI non solum quolibet die dominico inter Missarum solemnia festa de præcepto seruanda in sequenti hebdomada occurrentia alto ac vulgaris sermone omni populo publicent & annunciet, sed habeant etiam descripta vulgariter in tabella publica & patenti loco in ecclesia appensa vt rustici mulieres & simplices personæ omnes intelligant quando festum incipere & quando finire debent, festorum venerationem maximè curando.

MONENDI sunt populi quàm grauitèr peccent qui alios in diebus festis ad laborandum inducunt, extra necessitatis causam quæ causa probari debet vel ab ipsis Parochis vel ab aliis specialiter à Vicario deputatis, cum facultate licentiæ, gratis tamen, cõcedendi.

COMMONEANT etiam quòd laborantibus & opera feruilia sine licentia in diebus festis exercentibus est imposita pæna.

SICVT etiam est sub pæna Meretricibus prohibitum ad ecclesias accedere in illis diebus in quibus festa aut stationes celebrantur prout in edicto.

DE PROCESSIONIBVS.

AD processiones suo tempore conueniant omnes in ecclesia deputata, & nemo processiois, ordinem qualibet ex causa deferat nisi cum licentia sub pæna arbitrii.

OMNES ecclesiæ tam secularium quàm Regularium & Confraternitates in processione S. Ioannis Baptiste & aliis in pluuiarium & parametorum coloribus cum Metropolitana ecclesia se conforment.

Nemo processiones litaniarum maiorum aut minorum sine Vicarii licentia prætermittat, aliàs pœna X. aureorum qualibet vice punietur.

In processionibus publicis puellæ nullo modo etiam sub habitu aut significatione sanctarum virginum circûducantur, neq; aliàs aliquid fiat à quibusvis Regularibus quod representationis speciem præferat.

Nemini processiones priuatas & extraordinarias extra ecclesiam celebrare liceat sine expressâ licentia Vicarii sub pœna arbitrii.

Oratio quadraginta horarum neque in ecclesiis quibuscunque neque in oratoriis confraternitatum indicatur & conuocetur nisi ea forma & modo quæ à Vicario præscribetur sub pœna arbitrii.

DE SEPVLTVRIS.

MORTVORVM corpora de nocte sine licentia Vicarii sepulture non demandentur, ac nisi fuerint prius per spatium horarum 24. detenta; Et cognatorum & proximorum publici clamores ac ululatus tollantur, Et quò ad fieri poterit restituatur antiqua anniuersariorum consuetudo.

Non liceat vendere sepulturas, nec loca pro sepulturis, sed nequè de nouo concédantur aut fiant sine licentia Vicarii.

Argy. illud inuiolabiter obseruetur vt neque in Missa neque in officio mortuorum aliquid addatur ritibus & regulis in Missali & Breuiario Romano descriptis, & circa horam primam noctis campanæ signo fideles ad orandum pro mortuis inuitentur.

DE VITA ET HONESTATE

CLERICORVM.

CLERICI lugubres vestes aliàs quàm clericales
in obitu parentum non ferant.

VBI publice luditur non versentur.

BALNEI & fluminis lauacro publice non vtantur,
nisi necessitatis causa; & tunc cautè & honestè & in
locis remotis minusq; suspectis.

AD tabernas & cauponas non nisi itineris vel hospitii
causa aut etiam emendi ad victum necessaria, & tunc
cum aliqua modestia accedant.

COMMERCIVM & conuersationem cum personis in
famibus, & suspectis, nec non in locis similiter su-
spectis & inhonestis non habeant, nisi in quantum
euidētissime salus exposcit animarum, aut aliàs causa
à Vicario cognita & probata.

SACERDOTES & alii Clerici in sacris ordinibus con-
stituti veste quę vulgo dicitur zimarra per Ciuitatē
& oppida ambulantes non vtantur, quòd si contra-
fecerint incident in penam vnius auri pro qualibet
vice, & indignationis Illustrissimi Domini iuxta for-
mam edicti super hoc emanati.

CLERICI de nocte post quartam horam hyberno
tempore & post secundam in æstate de domo non
excant sine lumine, & nisi ex iusta causa, & si fieri
potest ab aliquo sociati;

NEMO deinceps sibi habitum clericalem ac presbite-
rale biretum nisi post primam tonsuram assumat ac
deferat, sed à Vicario siue ex eius permissione ab
alio petere & recipere teneatur, & semel receptum
absq; dicti Vicarii licentia deponere nequeat.

CLERICI non doceant pueros in publicis scholis

neque etiam in domibus priuatorum nisi de Vicarii licentia, quę gratis detur & fidei professione emissã vt in synodo prouinciali sancitum est.

DE MAGISTRIS.

LVDI Magistri siue publici siue priuati curent vt discipuli frequenter peccata sua confiteantur, & secundum ætatem communicent, illos doceant doctrinam christianam, & circa virtutes instruant vt non solum literarum sed etiam morum magistri dicantur & verè sint. Libros prophanos qui in obscenis versantur non interpretentur nisi fuerint à Vicario annotati & concessi.

DE LIBRIS PROHIBITIS.

SERVETVR omnino Index librorum prohibitorũ nequẽ possit aliquis libros venales exponere aut retinere nisi detur Vicario Inuentarium etiam quod libri sint manuscripti, & quolibet semestrc duo examinatores secundum eorum prærogatiuam deputati intelligantur & sint ad officinas & librarías visitandas.

DE CONFRATERNITATIBVS.

SCIANT laici qui in confraternitatibus conueniunt quod non aliter poterunt & officio suo & veteri antiquorum pietati ac deuotioni respondere quam si in omnibus & humilitatem & obedientiam exhibeant, & ideo confraternitates laicorum quocunque nomine nuncupentur quę non habent capitula approbata nullo modo posthac congregari possint.

NEQVE aliquam nouam constitutionem etiam ad tempus faciant pro dictorum locorum gubernatione & directione nisi consulto Vicario.

ILLVD expresse prohibendo ne in eorum congregationibus & cōuocationibus vlllo pacto directè tractent aut colloquantur de rebus & negociis secularibus, siue de emptione & venditione ad eorum artem & exercitium particulare pertinentibus, cū ea loca sint tantum pro rebus spiritualibus instituta, & si quando contra hanc prohibitionem factum sit, locus ipse sit ipso facto interdictus & Gubernatores arbitrio Illustrissimi Domini corrigantur.

QVAE pœna etiam afficiat & locum & Gubernatores quando contra edictum aliàs publicatum & compositiones & ientacula, & præsertim feriæ quintæ in cenâ Domini in dictis cōfraternitatibus fieri cōtingerit.

D E I E I V N I O.

ILLVD in primis circa ieiunium seruandum est quòd semel tantum in die & post nonam cibi non prohibiti comedantur, & qui vel à tanto vel à toto supra requisito voluerit excusari habeat licentiam à Parocho, & vbi commodè fieri poterit etiam à Vicario, semper tamen de consilio Medicorum quorum conscientia ita grauiter onerata est vt intelligent medici qui in re tanti momenti facile semetipsos & alios fallunt, quod & Diuino iudicio & Vicario peccati non ieiunantium rationem sunt reddaturi. In dispensatione autem ieiunii semper aut elemosina aut aliquod opus pium imponatur.

VBI CVMQVE in his Decretis non est expressa pœna semper ad arbitrium Illustrissimi Domini intelligatur reseruata & imposita.

DE IVDICIBVS DELEGATIS.

SACRO Tridentino Concilio cautum est aliquot insignes ac probatas personas sacrorum Canonum scientia præditas ac in dignitate ecclesiastica constitutas in synodo diocesana proponi & eligi debere quales Bonifatius VIII. sua constitutione præscripsit quibus causæ ad forum ecclesiasticum pertinentes in hac nostra & Fesulana diæcesibus committantur, cuius decreto inhærendo eliguntur & nominantur infra scripti.

Illust. ac Reuerendiss. D. Franciscus Cathaneus Diaacetius Episcopus Fesulanus nunc & eius pro tempore Vicarius generalis.

Admodum R. D. Donatus Minerbettus Archidiaconus In. vt. Doct. Florent.

Admodum R. D. Donatus Malegonnella Decanus. In. vt. Doct. Florent.

R. D. Petrus Nerlius Canonicus Florentinus.

R. D. Iacobus Aldobrandinus Cano. Florent. In. vt. Doct.

R. D. Antonius Beniuuenius In. vt D. & Canonicus Florent.

R. D. Matthæus Samminiatus In. vt D. & Canonicus Florent.

R. D. Bartholomæus Minucius In. vt D. & Canonicus Flor.

R. D. Benedictus Pescionius In. vt & Canonicus Florent.

R. D. Alexander del Caccia In. vt D. & Canonicus Florent.

R. D. Alexander Martinus Medices In. vt D. & Can. Florent.

R. D. Andreas Adrianus In. vt D. & Canonicus Florent.

R. D. Bartholomæus Lanfredinus In. vt D. & Can. Florent.

R. D. Cosma Antellensis In. vt D. & Canonicus Florent.

R. D. Michael de Federigis Prior Collegiate Ecclesie s. Laurentii de Florentia.

R. D. Ioannes Baptista Confectius Iuris Can. Doct.

R. D. Gabriel Baccionius In. vt D. & Præpositus Ecl. Fesul.

DE ZENODOCHIARIIS ET REVI-

SORIBVS PIORVM LOCORVM.

CVM administratores locorū piorū tam Ecclesiasti-
ci quā laici singulis annis teneātur reddere ratio-
nem ordinario, consuetudinibus & priuilegiis quibu-
scunque in contrariū non obstantibus, maxima sacro
sancti Conc. Trid. vigilantia prouisū est vt in synodo
Diocesana viri aliquot quotidianarum rerum non
imperiti eligātur, quibus rationem administrationis
quotannis de mandato nostro reddant, ad quod piū
munus obeundū nominantur infra scripti videlicet.

R. D. Iacobus Cantuccijs Canonicus Florent. In. vi. Doct.

R. D. Franciscus Ripa Can. Collegiata Ec. S. Laurētii de Flor.

DE EXAMINATORIBVS.

SACRA itidem œcumenica Tridentina Synodus
iubet viros aliquot, tum doctrina tum morum in-
tegritate præstantes in Diocesana Synodo proponi
& eligi, qui iurent ad sancta Dei Euangelia se qua-
cunque humana affectione posthabita, fideliter mu-
nus suum exequuturos, quod est inquirere de vita
moribus & scientia illorū quibus ecclesiæ parochia-
les sunt conferendę, quibus verbis inhærendo præ-
stante Diæcesis amplitudine nominātur infra scripti.

Admodum R. D. Donatus Minerbettus Archidiaconus.

Admodum R. D. Simon Fortuna Archipresbiter.

Admodum R. D. Donatus Malegonnella Decanus

R. D. Antonius Beniuuenius.

R. D. Mattheus Samminiatus.

R. D. Bernardus de Medicis.

R. D. Cosima Filiarcus Theologus

R. D. Leonardus de Paulis.

R. D. Carolus Oricellarius.

R. D. Alexander del Caccia.

R. D. Franciscus Benuenutus penitentiarius.

R. D.

} Omnes Canonici
Metropolitanae Ecclesiæ Flo-
rentinae.

- R. D. Michael federigus Prior Collegiate Ecclesia S. Laurentii de Florentia .*
R. P. Magister Angelus Corfinianus ordinis Prædicatorum .
R. P. Magister Thomas Boninsignius ordinis Prædicatorum .
R. P. Magister Andreas de Florentia ord. S. Augustini.
R. P. Guardianus aut
R. P. Lector Monasterii siue Conuentus S. Saluatoris de Florentia ordinis minorum Regularium S. Francisci de Observantia nunc & pro tempore existentes .

DE TESTIBVS SYNODALIBVS.

VETVS est consuetudo sacrosanctis Canonum Decretis introducta vt singulis Synodis Diocesanis viri aliquot Ecclesiastici vita & moribus graues ac spiritualis vitæ studiosi eligantur, qui animaduertant diligenter, an aliquid in vrbe & Diocesi sit quod corrigi & emendari debeat; & statim Illustrissimo D. Cardinali Archiepiscopo vel illius Vicario generali significant, ad quod munus nominantur infra scripti videlicet.

- R. D. Leonardus de Paulis Canonicus Florent.*
R. D. Sebastianus de Tanis Præpositus Ecc. Emporiensis .
R. D. Dominicus Berlonzinus Prior Eccl. Sancti Nicolai ultra arnum de Florentia .
R. D. Petrus de Vândis Præpositus Eccl. Castri Podii Bonitii .
R. D. Benedictus de Paulis Plebanus plebis S. Crescii de Valcana .
R. D. Ioannes de Bertis Plebanus S. plebis Ioannis da Camaiore.
R. D. Dominicus de Pagnanis Canonicus in Collegiata Ecclesia S. Laurentii de Castro Florentino .




Et ut hac omnia supradictis facilius innotescant & inuiolabiliter observari possint: Vnusquisquē Parochus huius Synodi exemplar, quod etiam ad singulorum utilitatem & comoditatem formis breui compendio excudetur, quamprimū comparare & apud se retinere sedulo curet, ut quid seruare, quid vitare debeat, melius de cetero unusquisquē sciat; & hoc sub pœna aureorum duorum inobseruantibus & Arbitrii Illustrissimī & Reuerendissimī D. D. Cardinalis & Archiepiscopi Florentini præfati: *Laus D. O. M.*

*Iacobus Sebastiani de Cantonibus Cancellarius
de mandato & in fidem subss.*

Cc





INDEX DECRETORVM DIOCESANAE FLOREN- TINAE SINODI.



DE Residentia.	1
De Parochis.	2
De Agnoscendis suis ouibus	2
De Sacrificiorum oblatio- ne.	3
De Prædicatione.	3
De Sacramentorum administratione.	4
De Baptismo.	4
De Confirmatione.	6
De Eucharistię Sacramento.	6
De Pœnitentia	8
De Estrema Vnctione.	9
De Matrimonio.	10
De Ordine.	11

De

De Exemplo bonorum operum.	11
De Cura miserabilium personarum.	12
De Congregationibus à Parochis quolibet mense faciendis.	12
De Ecclesiis.	13
De Paramentis.	14
De Diuinis officiis.	15
De Cultu & obseruatione festorum.	17
De Processionibus.	17
De Sepulturis.	18
De Vita & honestate Clericorum.	19
De Magistris.	20
De Libris prohibitis.	20
De Confraternitatibus.	20
De Ieiunio.	21
De Iudicibus delegatis.	22
De Zenodochariis & Reuisoribus piorum locorum.	23
De Examinatoribus.	23
De Testibus Synodalibus.	24

FINIS.





FLORENTIAE
In Officina Sermartelliana.
MDLXXIX.

FINE